

TE HEHEURAA API

I neia i te piha neneiraa a Henere, i Roto Miti i Utah, no te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaite, i te mau avae atoa. Te hoo, e piti farane i te matahiti hoe.

Nu. 7

Tiurai, 1915

Mat. 9

“Inaha, e fanau mai te hoê tamaiti na oe, e riro oia ei taata parahi noa; na'u hoi e horoa i te hau no'na e ati noa' e i to'na atoa ra mau enemî; e riro hoi oia i te mairihia ia Iseraela i to'na ra anotau. Na'na e faatia mai i te tahi ia Solomona, na'u hoi e horoa mai e te hau e te parahi noa fare no to'u nei i'oa; ei tamaiti oia na'u, ei metua hoi au no'na, e haamau papu hoi au i to'na terono i to'na ra hau i nia ia Iseraela e a muri noa'tu.”

—I Paraleipomen 22: 9, 10.

TE MAU HIERO TAHITO E RA E I TEIE NEI HOI.

(Tuatiraa)

Ia au i te tahi mau tuatapaparaa parau tahito, ua oti roa te Hiero ta Solomona i faatia i te matahiti ra 1005 Hou te Mesia. Ua hope e hitu mahana i te faatahinuraa e te tomo-
raa i taua fare ra, e hebedoma mo'a hoi e te oaoa rahi i Iseraela. E oroa rahi te hopoiraa mai i te Tiahapa o te Amuiraa e te afata, e te mau farii, o te vahi mo'a ra e i te tuuraa hoi i roto i te heiro apî. Na te mau Ati-Levi taua mau mea i hopoi maira. Ua farii maitai te Fatu i taua fare ra, ua i hoi te fare o te Atua i te Ata. “E aita'tura te feia

tahu'a e mau ia rave i te toroa i taua ata ra; ua i hoi taua fare o te Atua ra i te hanahana o Iehova." II Paraleipomeno 5:14.

Ia hi'opoa papu maite te mau parau i papaihia no na heiro e piti oia hoi te Sekene e te Heiro ta Solomona i faatia, e iteahia e ua au maitai roa raua te tahi i te tahi. E mea fatata roa to raua huru oia hoi te mau piha e te ohipa no te reira. To te Sekene e hoê noa iho aumoa e e hoê hanere e vau ahuru avae te roa e e iva ahuru avae te aano. To te Hiero no Solomona e toru ia aumoa (mahora) e te patu rapae e hoê afa maile i te haaatiraa. Te Vahi mo'a, e te vahi Mo'a roa e te poretiko ua au roa to ratou faito i to te Sekene maoti râ ua papiti hia ia te faito.

Aita i maoro te vairaa maitai o teie nei fare nehenehe hau ê. E toru ahuru mamaha matahiti i muri iho i te tomoraa e e 5 matahiti hoi i muri iho i to Solomoa poheraa; i reira hoi te haamata raa o te ino i te taeraa mai i nia i taua fare na te Atua, e aita i maoro hoi i haa-viivii-mau hia ia.

O Solomona, te Arii, e te taata paari, na ta'na ohipa ino i tae mai ai te mau peu faufau i Iseraela. Ua mau oia i roto i te mau marei o te mau vahine haamori idolo. Ei reira aita i tahoê-faahouhia Iseraela ua amahamaha roa râ ratou i roto i e raverahi te mau haapaoraa. Te tahi pae i haamori i nia i te mau tupuai aivi ra e te tahi pae i raro ai i te maru o te mau tumu raau. Marô roa ihora ratou te tahi i te tahi.

No te faaroo ore o Solomona e to'na ra feia o tei pūpū atu i te hiero ei ô i te Atua, aore te Atua i mauruuru ia ratou e aore â oia i parahi i te hiero ta ratou i hamani. No to ratou haapao ore aore te Atua i paruru ia ratou e ua mana faahou to Aiphiti i nia ia ratou. Ua riro Ierusalema, te oire no Davida, te tiaraa hoi no te Hiero mo'a, i roto i te rima no Sisaka te arii no Aiphiti e "ua rave ihora oia i te mau tao'a no te fare o Iehova" I Te Mau Arii 14:26. Ua riro ihora te Hiero i roto i te rima o te mau pagana (etene). Ia

tamata o Rehoboama te arii i te tomo i roto i te hiero aore oia i faatiahia i te tomo i roto ra. A| tomo ai te mau etene i roto i te fare a Iehova i te rave raa i te mau tao'a faufaa rahi, i reira hoi te haaviivira o te Hiero. Te mau ohipa faufaa i toe mai ua rave hia ia e vetahi e mau taata e ua pupuhia ei o i te mau idolo. "Na te mau tamarii a taua vahine paiete ore ra a Atalia i vavahi i te fare o te Atua: e ua hopoi ratou i te mau mea atoa i haamo'ahia no te fare o Iehova, no te mau peu a Baala." II Palaleipomeno 24:7.

E piti ae hanere o te matahiti te maoro i te haamani inoraa i te Heiro. E piti hanere e hoê ahuru e ma ono matahiti i muri iho i te tau i haaviivihia'i te heiro e to Aiphiti ei reira ua rave o Ahaza arii no Iuda i te atoea o te tao'a e ua hore'a tu i te reira ei tao'a aroha i te hoê arii etene.

"Ua haaputuputu maira Ahaza i te mau mea atoa o te fare a te Atua ra, e ua tapūpū hoi i taua mau mea atoa i te fare o te Atua ra, e ua opani i te mau uputa o te fare o Iehova, e ua hamani hoi i te fata na'na iho i te mau poro aroā i Ierusalem. E ua hamani oia i te vahi teitei ana'e i te mau oire atoa o Iuda, ei tutuira mea no'a-no'a na te mau atua e ra, faariri atura i te Atua o to'na ra mau metua ia Iehova." II Paraleipomene 28: 24, 25.

I muri iho i te reira o Nebukenata te arii o Babulonia i haamou roa i taua fare nehenehe roa a Iehova.

"E te mau mea atoa o te fare o te Atua, te mea rahi e te mea rii, e te mau tao'a atoa no te fare o Iehova, e te tao'a a te arii, e to te hui raatira atoa, ua hopoi-atoa-hia e ana i Babulonia. Ua tutui hoi ratou i te fare o te Atua i te auahi, e ua haaparari te aua i Ierusalem; ua tuti hoi i te fare o te hui arii i te auahi, e ua vavahi i te mau tao'a maitatai atoa ra." II Paraleipomeno 36: 18, 19.

E i reira ia tae e ono hanere tiaha matahiti hou te fanauraa mai o te Fatu aore to Iseraela e Hiero. Ua amahamaha taua feia ra te tahi pae i parauhia Iereraela e te

tahi pae Iuda, inoino roa ratou te tahi i tetahi. E feia haa-mori idolo ratou e te hara rahi.

Tei roto te basileia o Iseraela e hoê ahuru e te afa o na opu e hoê ahuru e ma piti ra. Ua haavî hia ratou e te Asura i te matahiti 721 hou te Mesia, e e hoê hanere matahiti i muri iho i te reira ua vî to Iuda i te Babulonia.

Ua vai to Iuda (parauhia te ati Iuda) i te tîtîraa e hitu ahuru i te matahiti mai tei tohuhia.

“E riro te fenua atoa ra i te ano, e ei maereraa; e riro hoi taua mau fenua nei ei tavini no te arii o Babulonia e ia hitu ahuru i te matahiti. E hope roa a'era taua na matahiti e hitu ahuru ra, e tahoo atu vau i te arii no Babulonia, e taua fenua atoa ra, i ta ratou hara, e te fenua atoa o te Kaladaio, e faaano roa'tu vau i te reira fenua, te na reira maira Iehova.” Ieremia 25: 11, 12.

“Te na ô maira hoi Iehova, Ia hope na matahiti e hitu ahuru i Babulonia ra, e ite atu ai au ia outou, e faatupu vau i tau parau maitai ia outou i reira, i te aratai-faahou-raa mai ia outou i ô nei. Ieremia 29: 10.

I reira i raro ai i te faatereraa maru o Kuro e o Dariu ua faatiahia ratou e hoi atu i Ierusalema e e faatia faahou i te tahi hiero ia au i to ratou faaroo. Ia faatura hia i te io'a o te taata o tei faatere i te faatiaraa o taua hiero ra i parau noa hia e te taata ra te Hiero no Zerubabela. Ua haamauhia te niu ma te oroa rahi e ua oto roa te feia tahito o tei ite i te heiro matamua o ratou.

‘E rave rahi râ to te feia tahu'a, e te mau ati Levi, e te feia raatira matahiapo, e feia tahito tei ite i tei mutaiho fare, ia haamauhia râ te niu o teie nei fare i mua i to ratou mata, ua pii noa'tura ia te re'o i te oto; e rave rahi atoa hoi tei umere noa i te oaoa: Aita'tura te taata i ite i te re'o i umere noa i te oaoa, e te re'o oto o te taata ra, e umere rahi hoi to te taata ma te re'o teitei, e ua tae roa te re'o i te atea ê.” Ezera 3.12, 13.

Noatu te mau faahepo raa i tae mai i nia i te ati Iuda ua tamau â ratou i te faatia i taua fare ra. Ua haafifihia ratou i te peapea fenua, te tia ra hoi, i te hiero ta ratou i faatia, e e rave rahi â te mau peapea. E mea maitai ia tai'o outou i te pene maha no Ezera ia ite outou i to ratou ati.

Ua rave noa ratou i te ohipa i e piti ahuru matahiti ei reira ua oti roa te hiero. I te matahiti 515 hou te mesia i oti ai.


Aita hoi i au maitai i te nehenehe i teie Hiero apî a Zerubabela i te Heiro a Solomona. Ua mauruuru râ te Atua i te farii i te reira ei ô no ô mai to'na ra feia i roohia i te ati e i patuhia i te hoê tau veve rahi. Te vai ra te mau tapao ua farii Iehova i taua fare ra, no te mea ua rave to'na ra mau tavini peropheta i te ohipa a to ratou toroa i reira; te tahi o taua mau peropheta ra o Zekariaha, e o Haggai e o Malaki ia. Ia tae roa i fatata i te tau a te Mesia ua huru pê taua fare ra e 500 matahiti to'na vairaa, e i te matahiti 16 hou te Mesia ua hinaaro o Heroda e haamauruuru i te Ati Iuda e ua haamata ona i te faapî i te Hiero. E hoê ahuru matahiti te maora o to ratou ohipa faaapîraa e e 18,000 taata i rave i te ohipa. I roto i te tau a te Mesia ua rave â ratou i te ohipa faaapîraa, aita râ tatou i ite e ua oti roa anei e aita anei. I roto i te oraraa o Iesu i farii ai oia i teie nei hiero na te Atua ei vahi moa; e haamana'o tatou i to'na tiahiraa i te feia hoo tao'a i rapae au i te hiero.

“Haere atura Iesu i roto i te hiero o te Atua, tiahi atura i rapae au i te feia i hoo atu e tei hoo mai i roto i te hiero ra, huri atura hoi i raro i te mau iri o te feia hoo moni ra, e te parahiraa o te feia hoo uupa ra, ua parau atura ia ratou. Ua oti hoi i te papaihia e, E parauhia to'u fare e fare pureraa, faarirohia iho nei râ e outou ei ana no te eiâ haru.”
Mataio 21: 12, 13.


(E tuatihia teie parau)

-----o-----


HISTORICAL PHOTOGRAPH



E hoho 'a teie no te aua i te Hiero o te Atua i Roto Miti Te fare




to Miti Te fare rahi i iteahia o te fare tapaeraa taata "Utaha"



E hoho'a teie no te mau fare no te Exposition i San Francisco.

E hoho'a teie no te Anavai ra o Susquehana, te vahi i farii ai te Peropheta o Iosepha Semita i te Autahu'araa.



E hoho'a teie no te Anavai ra o Susquehana, te vahi i farii ai te Peropheta o Iosepha Semita i te Autahu'araa.

TE MAU PARAU API.

-----O-----

E hoê mea arearea rahi i te oire Roto Miti i teie nei hebedoma a'enei. Ua tere mai na nia i te pereoo auahi, na vahine apî mai New York e tae roa i San Francisco i Taraforania e mataitai i te Exposition i reira. Ua tapae ratou i te Roto Miti ma te mataitai i taua oire nehenehe. Ia tae i te pô ua haere raua i te hoe fare tapaeraa taata e ua tarahu i te hoê piha ei taоторaa na raua. E moni to raua i roto i te hoê tatua e roaa e 200 dala. Ia faaineine raua e taoto ua tuu raua i te tatau i roto i te vehi turoi. Poipoi a'era ua rû roa raua i te haere na nia i te pereoo e reva'tu i Taraforania. Ia atea raua i te oire Roto Miti haamana'o ihora raua i to raua moni i vai ihohia i roto i te vehi turoi. Ia tae te pereoo auahi i te tahi oire iti ra, ua pou i raro raua e ua tarahu ihora raua i te tahi pereoo mori uira ((Automobile) e ua hoi haa-peepee raua i te oire e imi i te raua moni.

Haere tia'tura raua i te fare mutoi e ua faaite i to raua peapea aita râ raua i haamana'o i te fare ta raua i taoto ra (ua hanere hoi te fare tipaeraa) Tamata noa ihora te mau mutoi i e rave rahi te fare, iteahia ihora te fare ta raua i taoto, haere tia'tu raua i te piha ta raua i taoto ra ei reira hoi te moni i te vahi ta raua i vaiiho ra i roto i te vehi turoi. Ua oti te roi i te faanehenehehia e te vahine tuati aita râ ona i ite i te moni.

-----O-----

Na te hoê vahine apî i Fontenay-le-Comte, i Farane i fanau mai e toomaha tamarii hoê fanauraa, e toopiti tamaroa e e toopiti tamahine. A fanau mai ai oia tei te tama'i ta'na tane, e faehau oia. Ua papai atu oia i te Perseidene no Farani e te Arii no Paretane ia riro raua e to raua na vahine e mau metua bapetizo no taua mau tamarii ra. Ua faatia hia tona hinaaro e ua haamairi hia te io'a Raymond, Tihoti, Alexandra e o Eletapeta i nia i taua mau tamarii ra.

Na te mau metua bapetizo i haapono atu i te tahi tao'a aroha na te mau tamarii.

— — — — — 0 — — — — —

I te avae Tiurai ua tae te hoê leta i te fare moni no te Hau Amarika e tei roto i te reira e 10,000 dala moni parau. Tei roto atoa te hoê leta poto aita râ te io'a o te taata i papai hia i te reira. Aita te leta i haamaramarama maitai te tumu i haaponohia mai ai te moni maoti râ ua ei'a hia paha te tahi moni na te Hau e aore râ ua haavare ona e aita i aufau i te tahi duti. Ua faaite hia i roto i te leta e aita i hau maitai tona manava e no reira i faahoi mai te moni.

Te huru ia, ia rave tatou i te hara e mamae noa ra te tatou aau.

— — — — — 0 — — — — —

E mea puai roa te tahi pae taata i Amarika i te patoi i te inuraa i te ava e i te mau fare hooraa ava. Tera mai te hoê parau ta ratou i imi oia hoi ia inu noa te hoe taata e toru haapaina i te mahana hoê e ia na reira oia i te mau mahana i roto i te matahiti hoê e rahi roa ta'na moni i pau. E navai hoi taua moni i pau ia hoo e ono pute faraoa, e piti tatini punu tô papaa e piti tatini punu tomati, e piti tatini punu sirop, e piti tatini punu tamano, e piti tatini punu û, te taaofe e te ti e e rave rahi atu â te mau huru maa.

— — — — — 0 — — — — —

E ati rahi to te hoê totaiete hamani raa uaina. I Tarafornia te hoê fare neineiraa vine e i te 25 no Tiunu ua papaa roa taua fare i te auahi, parari roa ihora te mau farii uaina e ua nina roa hia te fenua i fatata mai; aita i maoro ua ama atoa te uaina. Te rahiraa o te uaina i pau e riro ia e maha milioni mohina. E te faufaa i parauhia i pau e roaa e pae hanere tausani dala.

— — — — — 0 — — — — —

Tera mai te rahiraa o te moni i fariihia e te Hau Amarika no te e'a pahi ra i Panama; oia hoi e maha milioni dala.

E moni teie i aufauhia e te mau pahi e tomo i roto i taua ava ra. E moni rahi roa teie aita râ i navai maitai e aufau te taihi no te mau taata i rave i te ohipa i reira. Te tahi no te mau pahi i tapae ai i Tahiti na taua ava ra te tereraa mai; o St. Andre e te tahi atu â pahi no te Compagnie Navale i tere na taua tapu ra.

— — — — — 0 — — — — —

E mea hupupe roa te ohipa a te tahi mau taata eiâ haru i ò i Mexico. I roto i te avae Tiumu ua tomo ratou i roto i te fare o te hoê vahine ruau, tei rapae au rii to'na fare i te oire. Ua rave ratou ia'na ma te taamu i to'ma rima e to'na avae i te taura; faaue ihora ia'na ia faaite mai te vairaa o to'na moni. Parau maira te vahine aita a'na e moni, aita râ te mau haru i faaroo i ta'na parau e ua rave ratou i te tahi auahi e ua tuu i te reira i to'na avae; faaue faahou ratou ia faaite mai oia i te vairaa o to'na moni. Papaa roa to'na na avae e aita ihora i nehenehe ia faaoromai e no reira i faaite oia i te vairaa o to'na moni e hoê hanere e piti ahuru aore dala, e moni auro. Ia roaa ia ratou i taua moni ra, mârô ihora ratou i te vahi raa, e no te maniania rahi i haere mai te mau taatatupu e te mau mutoi e ua ravehia te mau eiâ haru.

— — — — — 0 — — — — —

I te oire Roto Miti na te hau oire i horoa e hoê raera moni i te mau tamarii o tei tupohe e hoê hanere rao. Ua iteahia e manu faufau roa te rao e o oia te tumu no te mau ma'i e raverahi. No te rahiraa o te rao i teie nei mau matahiti i tamata te hau oire i faaore ia ratou. E moni rahi tei roaa i te tahi mau tamarii e i te tahi mau taata paari hoi.

Toae a Maere, Faaau Parau,
Rue Dumont d'Urville, Orovini, Papeete, Tahiti.

Frank J. Fullmer, Imprimeur,
2532 Seventh East Street, Salt Lake City, Utah, U. S. A.